

ԴՎԻՆԸ ՎԱՂ ԱՐՇԱԿՈՒՆՅԱՑ ՇՐՋԱՆՈՒՄ
(Ուրվագծման փորձ)

ԳԱՅԱՆԵ ՔՈՉԱՐՅԱՆ

Արտաշիսյան շրջանի Դվինը հնագիտորեն բացահայտված և դրված է գիտական շրջանառության մեջ: Մինչդեռ վաղ Արշակունյաց շրջանը այստեղ ներկայանում է հատվածաբար¹: Այդ պարագայում առանձնանում է համաժամանակյա, փոխկապակցված հնագիտական նյութերի մի խումբ՝ բազալտե ծածկասալ² (նկ. 5), հար և նման Գառնիի հեթանոսական տաճարի տանիքի ծածկասալերին (նկ. 6), նմանօրինակված Արտաշատի I–II դդ. ելունավոր կղմինդրներից³, բազալտե սրբատաշ որմնասալեր⁴ թվով 3 հատ, շարված կաթողիկեի նախնական IV դ. եռանավ շինության հիմքերում, բազալտե զոհասեղան⁵ (նկ. 1)՝ Հռոմեական կայսերական շրջանի միթրայական կոթող, միջանկյալ շինարարական շերտ⁶ (նկ. 7)՝ ուղղանկյուն կա-

1 Գ. Ք ո չ ա ը յ ա ն. Դվին III, Դվինը անտիկ դարաշրջանում. Երևան, 1991:

2 1965 թ. Ս. Գրիգոր կաթողիկե եկեղեցուց մոտ 15 մ արևմուտք հայտնաբերվել է ծածկասալի մի հատված (տե՛ս Գ. Ք ո չ ա ը յ ա ն. Ծածկի քարե սալ Դվինից. «Լրաբեր հասարակական գիտությունների», 1974, №11, էջ 102–105), իսկ 1989 թ. նույնի երկրորդ հատվածը: Երկայնակի բարձր կողերով, լայնակի եզրը թեթևակի բարձրացող թեք ելունով, սրան համահավասար կողերը արտաքուստ որոշակի հաստացումով, ուղղանկյուն տափակ սալի մի հատված, թերի, կոտրված (52 X 23,5° X 3,5 սմ, կողի բարձր. 4 սմ, լայն. 2–3 սմ, ելունի լայն. 9,5 սմ, բարձր. սալի մակերեսից՝ 2 սմ), ըստ Գառնիի տաճարի ծածկասալերի չափերի (52 X 72 X 3–4 սմ. տե՛ս Ա. Ա. Մ ա հ ի ն յ ա ն. Գառնիի անտիկ կառույցների ճարտարապետությունը. Երևան, 1983, էջ 173–174, նկ. 99 ա, բ) կարելի է վերականգնել սալի երկարությունը մոտ 70–72 սմ:


3 А. Г. К а н е ц я н. Античные черепицы из раскопок Арташата. — «Советская археология», 1981, №1, с. 185–188.

4 Ս. Գրիգոր կաթողիկե եկեղեցու կոնսերվացիայի ամերիկյան ծրագրի համաձայն 1992–1993 թթ. կատարված հետախուզական բնույթի պեղումների ժամանակ արևմտյան մասում բացված IV դ. եռանավ շինության անհավող պատերի հյուսիսարևելյան մի հատվածում կապտավուն բազալտե, երկշար սրբատաշ սալերը՝ 0,72 մ բնահանուր բարձրությամբ (վերին սալի երկար. 1,6 մ, հաստ. 0,76 մ), դրված էին մ.թ.ա. I հազարամյակի սկզբի շիկավուն խճի շերտի վրա՝ շարունակությունը շարված սպիտակ ավազաքարով (տե՛ս Գ. Ք ո չ ա ը յ ա ն. 1992 թ. պեղումների դաշտային օրագիր. պահվում է Դվինի հնագիտական կայանում):

5 Չոհասեղանի (բարձր. 55 սմ, միջին մասում նեղացող, հիմքում և վերին մասում լայնացող ուրվապատկերով՝ 17,5X17,5–25X15–25X11 սմ) մասին տե՛ս Գ. Ք ո չ ա ը յ ա ն. Անտիկ դարաշրջանի զոհասեղանի Դվինից. «Պատմա-բանասիրական հանդես» (այսուհետ՝ ՊԲՀ), 1977, №2, էջ 280–286: Ն ու յ ն ի՝ Անտիկ Դվինը Արտաշատի պաշտպանական համակարգում. «Հանդես ամսօրյա», 1996, №1–12, էջ 252–253:

6 Այստեղ մասնակիորեն պեղվեցին ուղղանկյուն կառույցի հիմքեր: Հնարավոր չեղավ բացահայտել հնագիտական միջավայրը՝ եկեղեցու առկայության սլատառում: Քննվող շերտը բացակայում է եկեղեցուց դուրս, որը կարող է պայմանավորված լինել հետագա ավերումով: 1,36 մ լայնությամբ քարե հիմքով շինությունը պետք է որ ունեցած լինի բարձր պատ և հատակագծում զգալի չափեր: Պեղված հատվածն անբավարար է շինության բնույթի մասին հիմնավոր դատողություններ անելու համար: Այսուհանդերձ, մ.թ. I դ. կե-

ռույցի հիմքերով (1,36 մ լայն.), բլրի գագաթի IV դ. մեծ եռանավ եկեղեցու և Արտաշիսյան շրջանի I գ. կեսերին հրկիղված շինության մակարդակների միջև, բլրի գագաթը պատնեշող քառանկյուն և կիսաբլուր աշտարակներով պարսպագոտու հիմքեր⁷:



1 Ձոհասեղան Դվինից
 2 Սիթրայի բարձրաքանդակ Չոռմից
 3 Ձոհասեղան Խերսոնեսից
 4 Ձոհասեղան Խարաքուց
 5 Օսովասայ Դվինից
 6 Օսովասայ Գառնից
 7 Դվինի միջնաբերդի եռանավ եկեղեցու իստակահորը

սերին՝ Արտաշիսյան շրջանի շինությունն ավերվելուց հետո, մինչև IV դ. մեծ եռանավ եկեղեցու կառուցելը, այստեղ ակնհայտ է որոշակի կառույցի գոյության փաստ. սրա մասին տե՛ս Գ. Բոնչարյան. Անտիկ Դվինը Արտաշատի..., էջ 351:

7 Պարսպագոտու հիմքերը շարված զանգվածեղ քարերով. ամրացված մանր գետաքարերի լիցքով և հողե շաղախով, որոշ հատվածներում պահպանել են 3,0-5,0 մ լայնությամբ հաստահեղույս հում աղյուսե վերնամասի հետքեր. բացվել են հարավային մասում քառանկյուն հատակագծով աշտարակի կիկլոպյան շարվածքով հիմքի մնացորդներ, մոտավոր չափերը՝ 5,0X3,20 մ (տե՛ս Գ. Բոնչարյան. Անտիկ Դվինը Արտաշատի..., էջ 346-347), իսկ արևելյան հատվածի հում աղյուսե միջուկի մեջ՝ միջին չափի գետաքարերով, կանոնավոր, աստիճանաձև շարված, կորագիծ. գոգավոր կառույց (8 շարք, 1,6 մ բարձր.): Ըստ արշավախմբի ճարտարապետ Գորյուն Դաֆաղարյանի՝ ներսից երեսապատված այս բրգաձև կառույցը (արտաքին շարվածքը չի պահպանվել, քանդված է) աշտարակ է մտած պարսպի հում աղյուսե վերնամասի մեջ: Պարսպի պահպանված հատվածների և անմիջակա-նորեն կից շինությունների առնչությունների շերտագրական մանրակրկիտ վերլուծու-թյամբ բացահայտված է պարսպի և բնակավայրի գոյության հիմնական շրջափուլերի հա-մապատասխանությունը սկսած, թերևս, մ.թ.ա III հազարամյակից, մ.թ.ա. I հազարամյակի սկզբին, Արտաշիսյան և Արշակունյաց շրջաններում մինչև IX դ. մեծ երկրաշարժը (տե՛ս A. K a l a n t a r i a n. Dvin. Histoire et archeologie de la ville medievale. Paris, 1996. pp. 55-57):

Առկա նյութերի համեմատական վերլուծությունը պատմաքաղաքական իրադրություն համատեքստում հնարավորություն է ընձեռում ուրվագծել որոշակի մի ժամանակահատված: Այս առումով մեծ տեղեկատվություն է սլարոնակում հատկապես Հռոմեական կայսերական շրջանի բազալտե զոհասեղանը: Հաղորդակցության ուղիների հանգուցակետերում բենեֆիցիարիոսների հիմնած պահակետերը (statio) Հաղրիանոս կայսեր գահակալման տարիներին (117-138) միայն տարածում գտան և Հռոմեական ինտենսիվ ռազմական օկուպացիոն գործունեությունը զուգընթաց՝ III դ. խիտ ցանց կազմեցին կայսրության հատկապես արևմտյան նահանգներում: Որպես ուղեցույց-ուղեկալներ սրանք հսկում էին երթևեկությունը, ապահովում գորակայանների միջև հաղորդակցության անվտանգությունը և պահպանում տարածաշրջանի խաղաղությունը: Ամրոցի պարսպից դուրս՝ անմիջապես ճանապարհի վրա տեղադրված պահակետեր տեղի սրբավայրի հետ կազմում էր մի ամբողջություն: Այստեղ կառուցվում էր նոր տաճար կամ ուղղակի դրվում էին Դվինում գտնվածին համանման, տարբեր աստվածությունների ձոնված զոհասեղաններ (նկ. 3, 4) (Հմմտ. նման պահակետերի բազմաթիվ օրինակներ հատկապես Դանուբյան, Մերձհունոսյան շրջաններում, ինչպես նաև Ղրիմում՝ Խարաբս ամրոցի մ.թ. II-III դդ. statio-ն):

Միթրային ձոնված Դվինի զոհասեղանի երկու հանդիպակաց կողերի բարձրաքանդակները՝ արև խորհրդանշող սկավառակ և թռչուն (նկ. 1ա, գ), մյուս երկուսին՝ ցլի գլուխ և շոշափուկներով [ցլի] ամորձիք բռնած կարիճ (նկ. 1 բ, դ): Սրանք Հռոմեական կայսրության սահմաններում ձևավորված Սիրիայի, Հռոմի, Իտալիայի, Հարավարևելյան և Միջին Եվրոպայի հուշարձաններում բազմիցս ներկայացված, միթրայական պատկերազրույցի մեջ ամենատարածված ու ամենասիրված թեմայի՝ Միթրայի ցլի հետ մենամարտի տեսարանի խորհրդապատկերներն են⁹: Սրանցից ցուլը, թռչունն ու արևը, առանց շոշափուկներով [ցլի] ամորձիք բռնած կարիճի, կարող էին վերագրվել դիցաբանական տարբեր ավանդությունների, սակայն գաղափարազրական հակիրճությամբ ներկայացված այս քառյակը միասին վերցրած խոսում է Միթրա < արևազուգուցուկ-կարիճ իմաստաբանական շղթայի ամբողջության մասին: Այստեղ իմաստային հիմնական շեշտը կրում է «ցլի ամորձիք սեղմող կարիճ» գաղափարագիրը, որը մերձենում է Սիդոնի (II դ. երկրորդ կես) և հատկապես Հռոմի (ոչ ուշ, քան 172 թ.) բարձրա-

8 Բենեֆիցիարիոսների statio-ները բնութագրված են ըստ՝ М. И. Ростовцев. Святилище фракийских богов и надписи бенефициариев в Ай-Тодоре. — "Известия Археологической комиссии", вып. 40, СПб., 1911, с. 1—40; В. Д. Благоватский. Харакс. — "Материалы и исследования по археологии СССР", №19, М., 1951, с. 256—257, 291; Э. И. Соломонович. Алтарь Немесиды из Херсонеса. — «Вестник древней истории» (далее — ВДИ), 1960, №2, с. 133—139.

9 Գ. Քոչարյան. Դվին III..., էջ 65—67:

քանդակների ցլասպան հերոսի ուղեկից կարիճի պատկերին¹⁰ (նկ. 2): Ժամանակագրորեն այս աղերսները համընկնում են բենեֆիցիարիոսների համանման ղոհասեղանների տարածման ժամանակի՝ II դ. կեսերի հետ: Այսինքն ուրվագծվում է Հռոմեական կայսերական շրջանին բնորոշ այս կոթողի Հայաստանում հայտնվելու ամենահավանական ժամանակը՝ II դ. կեսերը, երբ Հռոմեացի դաշնագրով (63 թ.) հաստատված status quo-ն պարթևները խախտեցին, որին ի պատասխան Հռոմեացիները 163 թ. նվաճեցին Հայաստանը: «Armeniacus» պատվանունը ստացած կայսր Մարկոս Ավրելիոսի (161–180) և կայսերակից Լուկիոս Վերոսի (161–169) գահակալման առաջին իսկ տարիներին՝

– հռչակվեց Վաղարշապատ-Կայինեպոլիսը (Արտաշատի փոխարեն) նոր մայրաքաղաք և վերածվեց Հռոմեական ղորակայան-ճամբարի (այստեղ հայտնաբերված հունարեն և լատիներեն վիճագիր արձանագրությունները վկայում են՝ 163 թ. ի վեր, շուրջ 30 տարի, XV Apollinaris-ի նաև XIII Fulminata-յի զորամիավորումների ռազմական բնույթի շինարարական գործունեություն մասին),

– Հռոմի ծերակուտական և հյուպատոս, «հայերից և պարթևներից հալածված» Սոհեմոսը վերահաստատվեց հայոց գահին (164–186),

– վերակառուցվեցին և գրվեցին Հռոմեական կայսրների հսկողություն տակ երկրի քաղաքական կենտրոնի՝ Արարատյան հովտի ռազմական հենակետերը (Արտաշատը, Վաղարշապատը, Գառնին...)¹¹:

Ռազմավարական և առևտրական միջազգային կարևորություն Մեոթիդա-Կողքիսյան և դեպի Վիրք տանող հյուսիսային մայրուղիների խաչմերուկում¹², տվյալ տարածաշրջանում Հռոմեական օկուպացիայի կենտրոնական Վաղարշապատ-Արտաշատ-Գառնի ղորակայանների ռազմավարական հանգուցակետում՝ բլրի գագաթին «ամրոց-բնակավայրով», ստորոտին պարսպից դուրս, ճանապարհին անմիջապես կից իր ավանդական սրբավայրով, Դվինը կատարելապես համապատասխանում էր բենեֆիցիարիոսների պահակակետերը բնութագրող բոլոր չափանիշներին: Թե՛ ղորակայանների միջև հաղորդակցություն ապահովելու և թե՛ ռազմավարական ու տնտեսական կարևորություն ունեցող այս տարածքը հսկողության տակ պահելու առումով (հմտ. բենեֆիցիարիոսների պարտականությունները Հռոմեական նահանգում՝ Պանոնիայում)¹³ Դվինը, թերևս, արժանացավ օկուպացիոն Հռոմեական բանակի բենեֆի-

10 L. A. C a m p b e l l. Mithraic iconography and ideology. Leiden, 1968, p. 25–28, pl. V, 75, XV, 650.

11 Ժամանակաշրջանը ներկայացված է ըստ՝ Լ. Յ. Ա ս տ ու լ յ ա ն. Քաղաքական վերաբերություններ ընդ մեջ Հայաստանի և Հռոմի. Վենետիկ, 1912, էջ 216–224, տե՛ս նաև Դ. Ք ո չ ա ը յ ա ն. Անտիկ Դվինը Արտաշատի..., էջ 350:

12 Գ. Ք ո չ ա ը յ ա ն. Անտիկ Դվինը Արտաշատի..., էջ 351:

13 Ю. К. К о л о с о в с к а я. Паннония в I–III веках. М., 1973, с. 231.

ցիարիուսների ուշադրութեանը: Ժամանակին բնորոշ քառանկյուն և կիսաբոլոր աշտարակներով զուգակցված պարսպագոտիով (Համտ. Արշակունյաց շրջանի Հացավան ամրոցը)¹⁴ պաշտպանված Դվին ամրոցի բարձունքին, հնարավոր է, հռոմեացիների կողմից կառուցված է եղել ուղղանկյուն հատակագծով հրամանատարական դիտակետ¹⁵, որն իր գերիշխող դիրքից տեսադաշտի մեջ էր պահելու շրջապատը և հսկելու էր Ազատ գետի կիրճով դեպի արքունի ամրոց-ամառանոց, մշտապես «կայան զօրացն» Գառնի ձգվող ճանապարհը: Իսկ ամրոցի պարիսպներից դուրս, Վաղարշապատ-Արտաշատ ճանապարհին՝ «Բուն պողոտային» անմիջապես հարող տարածքում, որտեղ գտնվում էր Դվին ավանդապահ սրբավայրը, հնարավոր է, տեղագրված է եղել ոստիկանական ուղեցույց-ուղեկալ իր բնորոշ զոհասեղանով, որը ձոնված էր Միթրային:

Հռոմեական լեգեոններում՝ Եփրատից մինչև Հռենոս, մեծ հոչակ ունեւր Միթրան, և՛ նրա պաշտամունքի առաջին հետքերը, և՛ լայն տարածումը Եվրոպայում փաստագրվում են հատկապես Դանուբյան նահանգներում¹⁶, իսկ Ֆր. Կյումոնի կազմած Միթրայի միստերիաների տարածման քարտեզի համաձայն՝ Փոքր Ասիայում միթրաիզմի առավել մասսայականութամբ աչքի էր ընկնում հատկապես Կապադովկիան¹⁷. Այս առումով ուշադրավ է, որ II դ. երկրորդ կեսին Հայաստանը օկուպացրած ղորքը շուրջ 30 տարի անընդմեջ, հրամանատարական կազմով ապահովող XV Apollinaris-ը մինչև այստեղ գործուղվելը տեղակայված էր Կապադովկիայում և Փոքր Հայքում, սրանից էլ շատ առաջ՝ I դ. Դանուբյան նահանգներում¹⁸: Իսկ հռոմեական պաշտոնական գիցարանում «ռոմանականացված» արևելյան աստվածությունների (Կիբելե, Սերապիս, Իզիդա...) թվում նաև Միթրայի պաշտամունքի տարածումը կայսեր և նրա շրջապատի վարած հովանավորչական ակտիվ քաղաքականութեան արդյունք էր¹⁹: Ըստ հետազոտողների ընդհանուր կարծիքի, միթրայիզմը «իշխանավորների կրոնն» էր և դրա հետևորդները հիմնականում զինվորական բյուրոկրատական ապարատի ներկայացուցիչներն էին²⁰: Ուրեմն բնական է՝ զինծառայությունը զորային դրասենյակում կամ

14 Գ. Տիսոյան. Հացավան ամրոցի 1963 և 1965 թթ. պեղումների նյութերից. - ՊԲՀ, 1968, №1, էջ 282-286: Հ. Պ. Հակոբյան. Մեծ և Փոքր Հայքերի սահմանագլխի հռոմեական ամրությունների համակարգը. - ՊԲՀ, 1986, N 4, էջ 146-149:

15 Տե՛ս ծանոթ. 6 և 7:

16 В. П. Найденов. Культ Митры в Нижней Мезии и Фракии. - В кн. "Проблемы античной культуры". М., 1986, с. 56-58; Ю. К. Колосовская. Նշվ. աշխ., էջ 198:

17 F. G. Cumont. Die Mysterien des Mithra. Leipzig, 1911 (տե՛ս էջ 36, քարտեզը):

18 М. И. Ростовцев. Новая греческая надпись из Эчмиадзина. - "Христианский Восток", т. III, вып. III, Пг., 1915, с. 245-246. Т. Момзен. История Рима: Провинции от Цезаря до Диоклетиана. Т. V, М., 1949, с. 191.

19 Е. М. III т а е р м а н. Социальные основы религии древнего Рима. М., 1987, с. 21, 233.

20 Նույն տեղում, էջ 227, 249:

ոստիկանությունում անցկացնող, ծանր աշխատանքներից աղատված, որոշակի արտոնություններով օժտված հռոմեական բանակի բենեֆիցիարիուսների նախաձեռնությամբ կայսեր պաշտամունքին սերտորեն միահյուսված «Հավերժական», «Անհաղթ» դիցամարտիկ «Sol Invictus» Միթրային ձոնված զոհասեղան կերտելը:

Վերջերս մենք փորձել ենք հիմնավորել «Բուն պողոտային» հարող Դվին ավանդապահ սրբավայրի և Աղաթանդեղոսի վկայությամբ նույն տիրույթում գտնվող Տիր-Ապոլոն (հմմտ. հունարեն Աղաթանդեղոսը) աստուծո տաճարով «Երազամույն տեղեր» սրբավայրի համատեղելիության հնարավորությունը²¹: Դվին սրբավայրի պաշտամունքային հավաքական նկարագրի ընդհանուր պատկերը չի բացառում այդ հնարավորությունը: Հետևաբար, ելնելով Տիր-Ապոլոն և Ապոլոն-Միթրա²² հայտնի համադրություններից և Ապոլոնի Ἄθριος (դռների, դարպասների), հատկապես Ἄγυιεύς (փողոցի, ճանապարհի) մականուններից, հնարավոր ենք համարում, որ բենեֆիցիարիուսների ուղեցույց-ուղեկալը, այստեղ ես, ըստ իր դործառույթի կազմել է մի ամբողջություն դռների, դարպասների և հատկապես ճանապարհների հովանավոր աստվածության «հուպ ի ճանապարհն» սրբավայրի հետ, որտեղ և դրվել է Միթրային ձոնված զոհասեղանը: Եվ վերջապես, կրոնական սինկրետիզմի պարադայում, անտարակույս, հանդուրժելի պիտի լիներ Տիր-Ապոլոն-Միթրա «լուսակիր եռյակի»²³ համատեղումը Դվին հնավանդ սրբավայրում:

Դվին սրբավայրում հայտնաբերված, Արտաշատի I դ. երկրորդ կեսից—II դ. լայն գործածություն ստացած զանգվածեղ, ելունավոր կղմինդրներից նմանակված բազալտե ծածկասալը (նկ. 5) (հմմտ. անտիկ աշխարհում մարմարե ծածկասալերի և կալիպտերների > ժամանակին բնորոշ կղմինդրներից)²⁴ ուղղակիորեն առնչվում է կաթոզիկեի նախնական IV դ. եռանավ շինության հիմքերում վերստին օգտագործված թվով 3 բազալտե սրբատաշ որմնասալերի հետ: Ըստ շինարարական տեկտոնիկայի օրենքների մեծ կշիռ ունեցող բազալտե սալածածկ տանիք կարող էր դրվել բազալտե կառույցի վրա: «Դվինի բազալտաշեն կառույցի» հնարավոր ժամանակն ըստ Արտաշատի համանման ելունավոր կղմինդրների, պետք է փնտրել II դ. տիրույթում և առավել հստակեցնելու համար անհրաժեշտ է

21 Գ. Ռ չ ա Ր յ ա ն. Դվին ամրոց-սրբավայրը Հայոց դարձի նախօրեին.— «Հայոց սրբեր և սրբավայրեր». Երևան, 2001, էջ 289—296:

22 Г. Т и р а ц я н. Вопросы преемственности официального культа в Античной Армении.— «Լրաբեր հասարակական գիտությունների», 1985, №10, էջ 59—60:

23 Գ. Ռ չ ա Ր յ ա ն. Դվին ամրոց-սրբավայրը..., էջ 290: А. Ф. Л о с е в. Античная мифология в ее историческом развитии. М., 1957 с. 296. Ս. Հ ա Ր Ո Ւ Թ Յ Ո Ւ Ե Յ Ա Ն. Հին Հայոց հավատալիքները, կրոնը, պաշտամունքն ու փիցարանը. Երևան, 2001, էջ 38:

24 В. Б. Г а й д у к е в и ч. Строительные керамические материалы Боспора; Боспорские черепицы.— "Известия Государственной Академии истории материальной культуры" (այսուհետ՝ Известия ГАИМК), вып. 104, М.—Л., 1934, с. 212, 246, 248.

անդրադառնալ բազալտե հար և նման սալերով (նկ. 6) ծածկված Գառնիի տաճարի կերտման ժամանակին:

Հռոմեական կայսրության արևելյան (Փոքր Ասիա, Սիրիա) նահանգների հավաստի թվագրվող հուշարձանների ոճական համեմատական վերլուծությամբ հիմնավորված է, որ որոշակի ինքնատիպությամբ օժտված Գառնիի տաճարը հունահռոմեական ճարտարապետության հուշարձան է: Կայսրության արևելյան նահանգներում ձևավորված հունահռոմեական համադրական ճարտարապետությամբ, այդ նույն նահանգներից դուրս եկած ճարտարապետների հեղինակային հսկողությամբ և տեղի վարպետների մասնակցությամբ իրականացված Գառնիի տաճարի շինարարության գործում որոշիչ դեր է հատկացվում հռոմեացիների ներկայությանն այստեղ՝ Հայաստանում: Դեռ ավելին, տաճարը պարզապես համարվում է դեպի Արևելք հռոմեական էքսպանսիայի վառ օրինակ, հավատարմության երաշխիք կայսրությանը²⁵ և ուղղակիորեն վերագրվում՝ II դ. երկրորդ կեսին Հայաստանում տեղականորեն տեղակայված լեգեոնների ծավալած շինարարական գործունեությանը²⁶: Իրավամբ, II դ. երկրորդ կեսին XV և XII լեգեոնների գործադիր գործունեությանը փաստագրված է իրենց իսկ թողած լատիներեն վիմագիր արձանագրություններում, ինչպես նաև Մայր տաճարի ավազ խորանի հիմքերի մոտ հայտնաբերված մետաղե ամրակների համարված խոռոչներով (Գառնի ամրոցի պարսպի քարերը հիշեցնող) բազալտե խոշոր որմնասալի և Ս. Հռիփսիմե եկեղեցու գմբեթակիր որմնամույթերի տակ երբեմնի մոնումենտալ շենքի տուֆե քանդակազարդ (թե՛ բացարձակ չափերով ու համաչափություններով, և թե՛ դարգաքանգակով համանաման Գառնիի տաճարի մանրամասերին) քիվի հատվածների առկայությամբ²⁷:

25 Գառնիի տաճարին վերաբերող այս հատվածը ներկայացված է ըստ՝ К. К. Р о м а н о в. Развалины храма римского типа в Баш-Гарни. — Известия ГАИМК, вып. 100, М.—Л., 1933, с. 650-654; В. Д. Б л а в а т с к и й. Храм в Гарни. — "Всеобщая история архитектуры". Т. II, кн. II, М., 1948, с. 388-391; А. Б о л т у н о в а. Рец. на книгу К. В. Тревер. Очерки по истории культуры древней Армении. — ВДИ, 1954, N 4, с. 86—93. Ըստ էության, նման մոտեցում են ցուցաբերում նաև Ն. Մառը, Հ. Ստրիգովսկին, Հ. Գլյուկը, Ս. Մնացականյանը, Վ. Հարությունյանը և Ս. Սաֆարյանը. մանրամասնորեն և համապատասխան գրականություն տե՛ս Ա. Ա. Ս ա շ ի ն յ ա ն. նշվ. աշխ., էջ 23—30:

26 Ռ. Վիլկինսոնը ոճաբանական վերլուծությամբ հանգել է քննվող կառույցի՝ մ.թ. II դ. երկրորդ կեսով թվագրմանը և հիմնավորել Կայնեպոլիսում տեղակայված հռոմեական գործի անմիջական առնչությունը վերջինիս կառուցմանը (տե՛ս R. D. W i l k i n s o n. A fresh look at the ionic building at Garni. — Revue des etudes armeniennes. T. XVI, Paris, 1982, pp. 221—244): Ֆ. Տեր-Մարտիրոսովը ճարտարապետական առանձնահատկությունների մանրակրկիտ վերլուծությունից ելնելով՝ տաճարը թվագրել է «ոչ վաղ քան մ. թ. II դարի կեսեր կամ, ավելի ճիշտ, մ. թ. II դարի երկրորդ կես, որը Արևելքում հռոմեական կայսրության հզորացման ժամանակաշրջանն է» (Ֆ. Տ եր - Մ ա ռ տ ի Ր ո ս ո վ. Գառնի ամրոցի տաճարը՝ հերեոն, վկայարան. Երևան, 1995, էջ 18—20):

27 Ա. Ս ա Շ ի ն յ ա ն. Հայկական ճարտարապետությունը ստրկատիրական հասարակարգի ժամանակաշրջանում (VI դ. մ. թ. ա. — V դ. մ. թ.). — Ակնարկ հայ ճարտարապետու-

Այս բոլորից հետևում է, որ «Դվինի բազալտաշեն կառույցը» ևս անմիջական առնչություն պետք է ունեցած լինի այստեղ II դ. երկրորդ կեսին հռոմեական բանակի բենեֆիցիարիոսների հիմնած պահակակետի հետ: Այս եզրահանգման օգտին է խոսում նաև ծածկասալի և Միթրային ձոնված զոհասեղանի հումքի ըստ պետրոգրաֆիական ու քիմիական անալիզների տվյալների, նույն հանքավայրից (Գառնիի անդեզիտա-բազալտային շերտից)²⁸ վերցված լինելու պարագան:

Ամփոփենք. տարածաշրջանի ռազմական կարևոր հենակետերում, իսկ Վաղարշապատն ու Գառնին նաև արքայական նստավայրեր էին, ամրաշինականին զուգահեռ ընթացել է և հոգևոր բնույթի կառույցների շինարարություն: Նորակառույցներին ազդեցիկ մոնոմենտալություն հաղորդելու նպատակով որպես շինանյութ, օգտագործվել է հատկապես բազալտը, որի միայն արդյունահանումն ու մշակումը (մասնավորապես II դ. կեսերին բնորոշ դեկորի շքեղությունը)²⁹ մարդկային ու նյութական զգալի միջոցներ և տեղական ժամանակ է պահանջել: Նույն այս կառույցներին պաշտամունքային գորություն հաղորդելու և «ռոմանականացված» կրոնական գաղափարախոսություն ու մշակույթ արմատավորելու նպատակով, կրոնական հանդերձողականության, սինկրետիզմի այս պայմաններում օգտագործվել են իրենց իսկ ռազմական հսկողության տակ գտնվող տեղի ավանդապահ սրբազան տարածքները: Այսինքն, ինչպես նվաճված մյուս երկրներում, այստեղ ևս հռոմեական քաղաքական ազդեցության զուգորդվել է որոշակի ուղղվածության գաղափարական և մշակութային քաղաքականություն: Քանզի II դ. 60-ականներին Հայաստանը նվաճած հռոմեացիների համար քաղաքական խնդիրը հստակ էր՝ Կապադոկիայում, Փոքր Հայքում ունենալով ամրապնդված ապահով թիկունք, նրանք ձգտում էին կայսրության արևելյան սահմանի վրա ունենալ «հռոմեականացված, հռոմեամետ Հայաստան»: Այսուհանդերձ Հայաստանը մնաց ոչ հռոմեական երկիր: Այս հանգամանքը խոստովանում է անգամ եվրոպակենտրոն գաղափարախոսության ջատագով, հռոմեասեր Թեոդոր Մոմզենը, թեպետ և խոսքի ենթատեքստում³⁰: Իսկ Գառնիի տաճարը և Վաղարշապատի ու Դվինի նույնատիպ կառույցների ճարտարապետական մանրամասերը մնացին որպես հայ-հռոմեական քաղաքական առնչությունների պատմության որոշակի մի

թյան պատմության. Երևան, 1964, էջ 54-55: Г. А. Т и р а ц я н. К вопросу о градостроительной структуре и топографии древнего Валаршапата. — "Историко-филологический журнал", 1977, № 2, с. 84, 92.

28 Տե՛ս Գ. Ք ո չ ա ր յ ա ն. Դվին III..., էջ 67-68, տախտ. XXIX:

29 Г. И. С о к о л о в. Расцвет римского искусства (I-II вв.). — В кн.: "Культура древнего Рима". Т. I, М., 1985, с. 409.

30 Т. М о м з е н. Նշվ. աշխ., էջ 325-326:

ժամանակահատվածի «պետական գաղափարների ամենազորեղ գեղարվեստական արտահայտիչ»³¹ քարակերտ վավերագրեր:

Այսպիսով, բազմաշերտ Դվին ամրոց-սրբավայրի տեղական գոյության ընթացքում ուրվագծվում է ևս մի ժամանակահատված՝ II դ. երկրորդ կեսը, որպես վաղ Արշակունյաց շրջանի ցարդ անհայտ հնագիտական շերտի հնարավոր գոյության մասին ակնարկ:

ДВИН В РАННЕАРШАКИДСКОЙ ПЕРИОД

(Попытка эскиза)

ԳԱՅԱՆԵ ԿՈՇԱՐՅԱՆ

Резюме

Материалы арташесидского периода в археологической секвенции Двина изучены и опубликованы достаточно подробным образом. Однако информация о последующем, раннеаршакидском периоде, фрагментарна. Сравнительный анализ ограниченного наличного материала с учетом историко-политической ситуации в регионе в период 30-летней римской оккупации Армении (163–193гг.) позволяет предположить наличие в Двине археологического слоя раннеаршакидского времени, датируемого второй половиной II века.

DVIN IN THE EARLY ARSHAKID PERIOD

(An attempt to outline)

GAYANE KOCHARYAN

Summary

The materials of Artaxiad period in archaeological sequence of Dvin are studied and published rather sufficiently. Nevertheless, the information on the succeeding early Arshakid period is very fragmentary. The comparative analysis of the limited present corresponding material with the account of historico-political situation in the 30-years period of the Roman occupation of Armenia allows supposing the presence of an archaeological layer of early Arshakid period in Dvin, dating back to the second half of the 2nd century.

31 Տե՛ս Գ. Ի. С о к о л о в. Նշվ. աշխ., էջ 376: